



Shkurt / Februar 2021

shqip

## As unë nuk të gjykoj!

(Gjn 8,11)

**Kontakt:** Meinolf Wacker  
Kirchplatz 7  
59174 Kamen

**Mobil.:** +49-172-5638432  
**Mail:** [meinolf.wacker@go4peace.eu](mailto:meinolf.wacker@go4peace.eu)  
**Homepage** [www.go4peace.eu](http://www.go4peace.eu)

---

### Mos gjyko! Don't judge!

Të dashur miq të go4peace,

Ajo ishte një grua e re e dashuruar kokë e këmbë. Sigurisht që ajo dhe i dashuri i saj donin të takoheshin dhe të kalonin kohë së bashku. E gjitha kjo ndodhte ndërkohë që gruaja kishte një kurorë martese me një burrë tjetër. Farisenjtë dhe mësuesit e shkrimeve të shenjta, e kishin zënë gruan në mëkat. Ata e tërhoqën zvarrë para Jezusit, para tempullit. Bëhej fjalë për jetë a vdekje.

Ligji i hebrenjve kërkonte në këtë rast vrasjen me gurë. Me shumë frikë gruaja qëndronte aty në mes e dorëzuar. A do ta mbështeste Jezusi apo do të qëndronte në krah të ligjeve hebreje? Nëse do të mbështeste gruan, ai do të akuzohej për paligjshmëri. Nëse do të mbështeste ligjin, do të thoshte se gruaja duhej të vdiste. Ai mbështet ligjin dhe u mban atyre përpara një pasqyrë, ku u thotë: „Cili nga ju është pa mëkat, le ta qesë gurin e parë në të!“ Një nga një ata u larguan: të parët ishin të vjetrit. Ata ndiheshin të kapur duke ditur se edhe ata e kishin thyer ligjin shumë herë.

Jezusi mbetet vetëm me gruan. Askush nga udhëheqësit hebrenj nuk e kishte dënuar. Jezusi drejtohet dhe i thotë, duke e lënë atë të kuptojë mëshirën e pafundme të Atit: “As unë nuk të gjykoj!” Me dashuri e mirësi, jetës së saj i ishte dhënë një shans i dytë.

Edhe Jozefit, një artisti të ri, kundërshtarët e tij ia kishin punuar keq. Ata kishin shpërndarë deklarata të rreme duke e bërë atë të shfaqej në një dritë të keqe. Shpesh, kur ndodhej në situata kaq të vështira, ai tërhoqej në natyrë dhe qëndronte i heshtur për një kohë të gjatë. Ai nuk dëshironte të përcaktohej nga negativiteti, në mënyrë që të ishte në gjendje të vazhdonte të jetonte bashkësinë. Njëherë kur e pyetën cila ishte ‘strategjia’ e tij ai tha: “Në kësi rastesh kam nevojë për shumë kohë me veten time, në mënyrë që para syve të Zotit ta kapërdij atë të keqe që po ndodh. Dhe pastaj mund ta lë të shkojë nga unë. Ajo nuk më dominon më. Çdo gjë kthehet përsëri mirë dhe unë nuk kam nevojë të gjykoj askënd!” Ata që duan ta bëjnë të mundur jetën dhe të gjejnë jetën reale, do të gjejnë këshilla të mira në të: **“Mos gjyko!” – „Don't judge!”**